

حياة المسلم المثالية | أسئلة إظهار الحق 22

محمد شاهين التابع

بسم الله الرحمن الرحيم. السلام عليكم ورحمة الله وبركاته. معكم محمد شاهين التعب من قناة الدعوة الاسلامية على اليوتيوب وفيديو جديد لمناقشة الاسئلة حولين شرح كتاب اظهار الحق للعلامة محمد رحمة الله القيراني الهندي من خلال قناة اكاديمية رسوخ العقيدة وعلومها على تليجرام - [00:00:00](#)

في متى واحد تمنتasher اما ولادة يسوع المسيح فكانت هكذا لما كانت مريم امه مخطوبة ليوسف قبل ان يجتمع وجدت حبلا من رح القدس. من يقصد من قول متى ما وجدت حبلى من روح القدس. بضم موضوع الولادة العذرية للمسيح تحديدا خدت بعض الوقت في الكنيسة على بال - [00:00:20](#)

مع ملامحها اتزبطة. وفي بعض الناس يعني بيعتقدوا ان في نصوص بعينها موجودة في انجيل متى تحديدا هي اللي بتتأكد كده على الموضوع ده قوي الانجيليين الوحدين اللي اتكلموا عن ولادة المسيح من غير اب اللي ذكره طفولة المسيح وولادته وانجيل متى وانجيل لوقا - [00:00:40](#)

هم النصوص موجودة في انجيل متى؟ وبعدين في يعني نص او اتنين موجودين في انجيل لوكا لكن انجيل لوقا ما بيأكدهش على الموضوع ده قوي زي النص اللي شبه ده كنا عملنا عنه فيديو. اللي هو كلام الملاك نفسه. ان الملاك بيقول لها الروح القدس يحل - [00:01:00](#)

وقوة العلي تظللك لذلك المولود منك يدعى ابن الله. النص متى واحد وتمتنasher بيقول وجد حبلى من الروح القدس. النص الثاني بيقول قوة العلي تظللك لذلك المولود منك يدعى ابن الله. والتعليق اللي احنا كنا - [00:01:20](#)

انه قد يسأله لهم النص ان هناك علاقة ما بين قوة اللي عليه تضللك وان يدعى ابن الله وده ظاهر النص قوة اللي عليه تظللك. لذلك المولود منك يدعى من الله. هو قوة اللي عليه تظللك يعني ايه - [00:01:40](#)

وايه دخل ده بانه ابن الله؟ هل ده معناه ان في علاقة جنسية بشكل ما حصلت ما بين اب ومريم لذلك المولود منك يدعى ابن الله والموضوع ده كنایة عنه اتقال قوة العلي تظللك. نفس الكلام برضه - [00:02:00](#)

النص ده وجدت حبلا من الروح القدس بس. وجدت حبلا من روح القدس اخف بكثير بالنسبة للنصارى. وهم المفروض في الآخر يعني اي نص من النصوص دي هم بيفهموها بمعنى انه الموضوع معجزة. المسيح مولود بغير اب ده المفروض آآآآ خارج - [00:02:20](#) نطاق الطبيعة المعروفة لا تستطيع امرأة ان تلد ابنا الا بوجود زكر. لازم زكر وانتي يجتمعوا والمرأة اه تحبل فتلد ابنا لكن انها تلد من غير ما يكون فيه ذكر في الموضوع اه ده غير طبيعي. وبالتالي - [00:02:40](#)

عن المعجزة في عبارة آآآآ وجدت حبلا من الروح القدس. انه آآآآ النصارى فيما بعد في قانون ايمان المسيحي اما بيتكلموا عن ولادة المسيح في الجزء طبعا ونؤمن برب واحد يسوع المسيح من الله الوحد مولود من اب قبل كل الدهون - [00:03:00](#) والنور من النور الى حق من الى حق مولود غير محلوق. واحد مع الاب في الجوهر وبعدين لما بيتكلم عن آآآآ بيتكلم عن التجسد انه تجسد وتأنس من العذراء مريم والروح القدس حاجة زي كده. انا الجزء ده انا مش حافظه كوييس في قانون الايمان لكن هبقى اعرضه على الشاشة - [00:03:20](#)

الجزء ده اللي بيقول من العذراء ومن الروح القدس المقصود به ان الروح القدس له دور في عملية التجسد. طب الروح القدس ايه دوره في عملية التجسد؟ النصارى بيقولوا حاجتين الدور الاولاني انه ساعد في تكوين الجسد او الطفل - [00:03:40](#)

آفكرة انه مريم عليها السلام خلق فيها جسدا. والله اتحد بهذا الجسد اللي هو الجسد ده الانسان يسوع المسيح اللي هيتولد منها على هيئة طفل. فده اول نقطة خلق الجسد. تاني نقطة وهي نقطة مهمة جدا جدا - 00:04:00

في نقد عقيدة الصلب والفاء فكرة ان مريم عليها السلام المفروض ان هي وارثة للخطايا الاصلية في بعض المسيحيين ما ما لوش فكرة الوراثة لكن ده جدل ابائي. وراثة الخطية الاصلية. او وراثة فساد الطبيعة الانسانية - 00:04:20

سبب خطية ادم. فيه بعض الاباء بيقولوا لأ احنا ما ورثناش الخطية. احنا ورثناها او الطبيعة الفاسدة او ايها كان. المهم ان المفروض ان مريم عليها السلام زي ايها؟ اي انسان اخر هي اه تحت غضب الله مستحقة للعذاب وللنار الابدية والموت الابدي وتحتاج - 00:04:40

الى الخلاص. تحتاج الى الخلاص. وبالتالي فكرة ان هي مفروض بطبيعة فاسدة او وراثة للخطية او ايها كان الشيء اللي بيعملها تحت غضب الله وتحتاج الى الخلاص. طيب المسيح بقى اللي هيخلاص - 00:05:00

هيأخذ جسد طبيعته فاسدة او ووارث للخطية قال لك لأن ما ينفعش. اومال ايها اللي هيحصل؟ قال لك الروح القدس لما حلت عليها ان الروح القدس يحل عليك وقوفة اللي عليك تضللك. او فكرة ان المولود منك آآ وجدت حبل من روح القدس؟ الروح القدس دوره هنا - 00:05:17

انه الجسد اللي الله هيتحدد به الروح القدس هيقدسه وهيظهره. فهنا بنفتح باب اشكالية كبيرة جدا هل في طريقة تانية ان احنا نخلص من الطبيعة الفاسدة وان احنا نخلص من وراثة الخطية غير الايمان بالصلب والفاء - 00:05:37

اذا كان الله قادر على انه يتخلص من تبعات خطية ادم بطريقة تانية غير ان هو يتصلب ويموت ويقوم من الاموات ايها لازمتها انه اتصلب ومات وامن الاموات؟ فخل بالك يعني فيه خلاف ما بين الارثوذكس والكاثوليك في النقطة دي. هل مريم بالكامل آآ - 00:05:57

تم تطهيرها من قبل الروح القدس الكاثوليك بيقولوا كده. الارثوذكس بيقولوا لا بيكروا فقط الجسد اللي خلق للابن علشان يتحدد به فيتولد منها ابن الله المتجسد. جسده بس اللي اتخلق منها هو اللي اتطهر. هي نفسها ما زالت محتاجة للخلاص. ايها - 00:06:17

كان سوء قلت هي بالكامل ولا جزء من جسدها اللي الله اتحد به. هناك طريقة للتطهير والخلاص بيقى ايها لازمة الصلب والفاء؟ ايها لازمة ان الله ينزل ويعيش على الارض ويتهان ويضرب ويتصلب وييصلق في وجهي وكل - 00:06:37
اللام دي هي ليست ضرورية. الروح القدس يحل على المؤمن وخلاص ويظهره ولا ايها كان. مش لازم الله يفوت في السكة نكدي خالص فيعني في الآخر خالص ممكن الواحد يفهم وجدت حبل من روح القدس له دور هو اكيد له دور عند النصارى بس - 00:06:57

طوله ده عباره عن ايها؟ هل فيه علاقة حصلت ما بين مريم والروح القدس؟ النصارى ببنكردوا ده. الظريف في الموضوع ان في طوايف لكن كانت نادرة جدا جدا هي اللي قالت - 00:07:18

بالكلام ده ان مريم يعني حصل لها نوع من العلاقة الجنسية وده طبعا آآ تأثر بالغ وشديد وفاحش بالوسنية اليونانية اللي كانت دايما عندها فكرة ان الله آآ ممكن ينزل من السما وواحدة تعجبه ويتجوزها في اطار ان الله - 00:07:28

تستمتع وان ممارسة الجنس نوع من المتعة وان الله آآ ممكن تمارس الجنس وتبقى سعيدة لكن اي الم او كده لأن ما تتألمش لكن ممكن تستمتع بالجنس. وفي آآ برضو نفس الكلام متعلق بنسبة ممارسة الجنس الملائكة اللي هي فكرة انه بنات الله ان ابناء الله رأوا بنات الناس انهن - 00:07:48

والقصة بتاعة سفر التكوين السادس عملنا عنه سلسلة فيديوهات لانها مشكلة كبيرة جدا جدا. ان ملائكة الله رأوا بنات الناس انهن حسنت يعني الملائكة عجبهم بنات الناس شكلهم حلو يعني فقالوا طب ما ننزل ونتجوز منهم وخلفوا الجبارية - 00:08:13
والكلام ده كله فيعني الخلاصة انه في بعض النصوص قليلة جدا في العهد الجديد اللي بتتكلم عن ولادة المسيح من غير اب ممكن تعطي ملحوظة انه الروح القدس له دور في الولادة. الاب له دور في الولادة والدور ده بقى عباره عن ايها؟ وهل في علاقة جنسية ولا لا؟

مفتوجة للتkenات لأن النصوص مش محكمة وحتى زي ما قلت الكنيسة خدت وقت على بال ما ضبطت تفاصيل متعلقة بالولادة العزريين السؤال اللي بعده في اعمال الرسل خمسة واحد وتلاتين. هذا رفعه الله بيمنه رئيسا ومخلصا ليعطي اسرائيل التوبة وغفران خطاياه. هل يمكن - 00:08:54

احتجاج بهذا النص عن المسار بان المسيح لم يرسل الا لبني اسرائيل. هو طبعا فيه نصوص كتيرة جدا جدا آآآ مفادها ان المسيح لم يرسل الا الى خراف بيت اسرائيل الضالة. ومعظم النصوص دي موجودة في بداية اه في الاناجيل. في الاناجيل الرابعة ايا كان موجودة فين. في نصوص كثير. واه - 00:09:14

مفروض ان اعمال الرسل لما تيجي تقرأ بدايته مع نهاية آنجليل لوقا تفهم منه ان بالفعل رسالته المسيح لغاية وقت ما كانت رسالة آنجليل محدودة جغرافيا لبني اسرائيل. وبعدين فيما بعد تجد - 00:09:34

ان اعمال الرسل بيقول لك ان جه بقى الوقت ان الموضوع يتسع. وانه آآ الخلاص يبقى اسمه ايه ده؟ للمختونين وليه الغلف؟ الغلف.
العبارة التي دللت على وجود مختونين في رسائل بولس المختونين - 00:09:54

او الختان والغلف او حاجة زي كده بيتم استخدام الكلمتين دول للإشارة الى اليهود المختونين اللي بيتبعوا الشريعة دي من ايام سيدنا ابراهيم زي المسلمين والثانيين بقى الوثنين الذين لا يختتمنون فكأن اعمال الرسل - 10:14:00

زي ما قلت بيقول ان حصل انتقال في وقت ما الرسالة دي كانت فقط في بدايتها ايام ما المسيح كان عايش الارض لما حصل الصلب واترفع للسماء طول الوقت ده آد كان لسه لاسرائيل. ما كانش العالم كله ولا حد آدانى - 00:10:34

ال المسيح كأنه اختار بولس انه يبقى رسول لهذه الدعوة لغير المختونين وللوثنيين - 00:10:54

باقي العالم وبعدين التلاميز بقى الحوارات اللي موجودة في اعمال الرسل فيها تفاصيل كتير لكن كانهم مش مقتعنين بالموضوع ده - من البداية ولأ احنا مش مصدقينك او احنا مش قابلينك على انك تلميذه وشاكين فيه والكلام ده كله وبعدين فيما بعد بدأوا يقسموا

نفسم. انا هاخد اهل الختان وانت تاخد اهل الغرلا. الغرلة والختان. افتكرت الكلمة. النقطة المهمة في الموضوع اللي بيتأمل في سفر

اعمال ابريل والجويلي لوقا المفروض ان دايب الجويلي هو نفس دايب اعمال ابريل. الذي يدام في اسيجاريو الي هو بيعيه - 00:11:34

معلنا ولم يكن معروفاً وفيما بعد لما المسيح ظهر لبولس والكلام ده كله الدنيا اتغيرت. وقعدوا بقى يتناقشوا مع بعض ويشفوفوا الدنيا
دي المفروض - 00:11:54

تمشي ازي والناس اللي مؤمنة من خلفية وثنية دول المفروض يتزموا بايه والكلام ده كله وتحس ان الموضوع ايه بيتطور وما كانش معمول حسابه من البداية اللي بيجي بقى يشوف اللي موجود في نهاية انجيل متى ونهاية انجيل مرقص

بالانجيل للخليقة كلها. فده يعطي لك انطباع يا جماعة ده احنا من الاول خالص. من مش من الاول خالص يعني اقصد من قبل ما

00:12:34

وتلميذه جميع الامم معتمدون باسم في بعض العلماء قالوا ان الامم دول المقصود بها امم اسرائيل في بعض الناس قالوا لا الامم جميع الامم العالم كله زي نهاية انجيل موركزو ذاكريزو بالانجيل للخليقة كلها. بس برضو نفس المشكلة انه لو احنا عارفين من قبل ما المسيح يرفع للسماء - [00:13:14](#)

ان احنا حنكرز للعالم كله السيناريyo بناء انجيل لوقا مختلف. وطبعا انجيل يوحنا ده في الطراوة ما لوش علاقة بالموضوع ده خالص خالص. لكن نهاية انجيل لوقا ما بيحكيش اي وصية لها علاقة بكرامة عالمية. هو واضح جدا ان انت تطابقوا في اورشليم - [00:13:34](#)

لغاية ما يحل عليكم الروح القدس وبعددين اعمال الرسل بيبدأ بالموضوع ده وحلول الروح القدس واليوم الخمسين والكلام ده كله وبعد كده بقى نبتدئ نشوف احنا هنتعامل مع الامميين ازاي او بتوع الغلة دول ازاي؟ فهو يعني في الاخر حابب اقول انه [00:13:54](#) كتبت العهد الجديد زي ما شرحنا الكلام ده قبل كده كثير. هم من الطائفة التابعة لبولس فلابد ان كتب العهد الجديد تنتصر في النهاية لفكرة ان الدعوة ليست محصورة علىبني اسرائيل وانه آآ [00:14:14](#)

كلف ايا كان امتى بقى وفي انهي مرحلة ان الدعوة تكون للجميع لغير اليهود للوثنيين لغير المختونين. ايه بقى التفاصيل؟ الموضوع متضارب. كاتب انجيل متى زي ما قلت او يعني النصوص اللي فيها مشاكل - [00:14:34](#)

في نهاية انجيل مرقص ونهاية انجيل متى لكن في النهاية اعمال رسل عمدة في الموضوع. كانه والله اعلم يعني النصوص الدالة على ايه ان دعوة المسيح هتوصل لخارجبني اسرائيل ما كنتش موجودة في متى وخصوصا في مرقص فيما بعد زي ما نهاية انجيل مرقص - [00:14:54](#)

الجزئية دي اضافت فيها وهو ما خدش باله ان التفصيلة دي بتتعارض مع اعمال الرسل. اللي بيقول ان دي مش وصية على لسان ان المسيح من قبل ما يرفع. دي معلومة هم عرفوها فيما بعد متأخرا بعد رفع المسيح للسماء. انا بس تعليق اخير حابب اقوله في النقطة - [00:15:14](#)

دي انه هي في الاخر نقطة متعلقة بمصداقية وموافقية الكتاب المقدس. ان انت هتلقي نصوص في العهد الجديد بتقول ان كرازة مش في آآبني اسرائيل بس الكرازة هتمتد لخارجبني اسرائيل. انا بعتقد ان الرد على الموضوع ده مبني - [00:15:34](#) على انك تنتقد مصداقية بولس وتنتقد مصداقية اعمال الرسل. لأن في النهاية زي ما قلت كان سفر اعمال الرسل ده مكتوب لا الشيء الا لاعطاء مصداقية لبولس. وان التلاميذ وافقوا على دعوته والكلام ده كله. وقصة بقى ظهور المسيح لبولس وكل التفاصيل - [00:15:54](#)

المتعلقة بان بولس ودعوته زي الفل. لما تيجي تقارن بقى اعمال الرسل وتخلية على جنب. بالله احنا نعرفه في الاناجيل مع الاخذ في الاعتبار ان النص بناء اخر انجيل متى ممكن يتم تأويله والنص بناء مرقص اضافة لاحقة في نهاية انجيل مرقص توصل - [00:16:14](#)

لنتيجة انه ما فيش في الاناجيل من من كلام المسيح اثناء حياته على الارض الفكرة دي. وان هم اضطروا يكتبوا اعمال الرسل ويختلفوا بقى القصص اللي فيها ان المسيح ظهر لمين ولمين والروح القدس وممش عارف مين والكلام ده كله علشان خاطر آآ [00:16:34](#)

آآ يقول ان المسيح قال يعني ان الكرازة تبقى خارجبني اسرائيل. طيب سؤال تاني السلام عليكم ورحمة الله وبركاته. هذا سؤال حائز في الدنيا ده هو مفروض حابر في الدنيا يعني. ماشي. آآ مؤمن بالله لا يقينط من رحمته لكنه يفكر كثيرا. فانا الان عمرى عشرين سنة. ايعتبر اني انهيت - [00:16:54](#)

عمرى تقريبا ولا ارى اني خرجت بشيء او مضيتها في شيء يستحق ولا اعرف هل هي الحياة هكذا ام انه يجب على المؤمن شيء يفعله اصلی واحفظ القرآن لكن لا اعرف هل بعد ذلك سندخل جنة ام هذا لا يكفي؟ وما هو المطلوب مني في الدنيا؟ ام انه يجب على ان اعيش كما يعيشكم - [00:17:14](#)

قل للناس وامضي حياتي كما يمضيها كل الناس وافاجأ اني قد بلغت السن الخمسين مسکوا الناس طبعا السؤال ده تحت بند السؤال الوجودي آآ بتعل لماذا نحن هنا؟ لماذا نحن هنا؟ وكيف ينبغي ان نعيش - 00:17:34

مفترض ان الاسلام يجاوب على النقطة دي كويس قوي. وبشكل واضح جدا جدا. لكن كان فيه لمحه اتكلم عنها بعض الاخوه آآ وانا شایفها ان هي لمحه حقيقة جدا وصحيحة. ولازم الانسان زي ما بنقول بالمصري كده ما يتسللش في الطرق دي. يعني ما تخليش الافكار دي - 00:17:49

التصورات هذه التي يتم ترويجها تسحبك وتحس ان انت اه انا اه مدام حياتي مش كده يبقى انا حياتي ما لهاش لازمة كان فيه فيديو حتى يمكن كرتون على قناة طحالب آآ فيديو بسيط جدا بيتكلم عن احمد وان احمد شخص عادي - 00:18:09
وبعدين الفيديو ماشي في سكة ان كون ان احمد شخص عادي دي مش حاجة وحشة. وانه مش لازم يبقى حاجة قسط استثنائية وعلشان تبقى حياته لها قيمة عند الله. لازم الانسان يفضل متذكر ما الذي يريده - 00:18:29

الله عز وجل مني في هذه الدنيا هو ده اللي يعطي حياتي قيمة. لكن الهرجة الاعلامية وحياة السوشیال المیدیا والانفلونسرز اللي لهم الافولورز ونمط الحياة اللي لازم يكون فيها تشويق واثارة ومتعة - 00:18:49

وسفر وسجلات وحوارات وجو اللي فيه آآ سبنس والجو اللي فيه آآ مغامرات احنا للاسف مثقلين بهذا التصور الاعلامي اللي بيشكل حياتنا. وده ممكن يكون بيأثر على كل واحد - 00:19:09

فيينا لدرجة انه لو هو رينا بيعنن عليه انه بيصحى في وقت صلاة الفجر وبيصلب فرروض في وقتهم وملتزم بالحال ومنتزع عن الحرام وبقى آآ مقاييس حياتنا اللي كلها وحركة واكشن وبسرعة بسرعة ايه ده! ده انا حياتي كئيبة - 00:19:29

وحياتي مملة وحياتي ما لهاش طعم. وهل انا فعلنا كده آآ عايش لي لازمة في الدنيا دي؟ برضو كنت اتكلمت في النقطة دي فيما يخص المرأة تحديدا ان المرأة مسلا لو هي متفرغة آآ لبيتها ولرعاية زوجها واولادها - 00:19:59

اوى تعليمهم وتربيتهم والكلام ده كله فاذا حياتها ما فيهاش اكشن. يا ترى هي حياتها كده لها قيمة؟ يا ترى كده انا يعني عيشة ولا انا دفنة نفسي بالحريا ولا دي للاسف تصورات ما بعد الحداثة والعلوم المسميات الحلوة دي اللي - 00:20:19

بتغير عن العصر اللي احنا فيه. الواقع انه مش لازم حياتك تبقى ملائنة اكشن. ومش لازم حياتك تكون مثيرة. ومش لازم حياتك يبقى فيها آآ حاجات احداث كثيرة متغيرة كل يوم ما بتتقاشر عارف ايه اللي ممكن يحصل ومش لازم. بل بالعكس يعني انت ممكن حياتك تكون على رتم - 00:20:39

اخذ طول عمرك ولازم تبقى على يقين بسبب وعد الله عز وجل في القرآن الكريم والسنة النبوية ان ان ده اللي هيدخلك الجنة. يعني برضو فكرة ايه ده! طب هو انا آآ لازم ابقى داعية؟ طيب ماشي انا هابقى داعية آآ ادعوا الى سبيل ربكم بالحكمة والمواعظ الحسنة وجادلهم بالله - 00:20:59

احسن. وقل هذه سبيلي ادعوا الى الله على بصيرة انا ومن اتبعني. ماشي. بس انا بقى لازم ابقى ذاكر نايك. ولا لازم ابقى الداعية اللي بيخوض سجالات ومناظرات ومقطع المشركون بادلته وببراهينه وعنده قناة يوتيوب ناجحة - 00:21:19

والناس بتتكلب عليه لما تشووفه بتبوس ايده لو انا بقى بادعوا الى الله آآ في نطاق اضيق ومن غير شو اعلامي ومن غير غير بهرجة ومن غير زينة الحياة الدنيا. ابتدئ اشك برضو في نفسي واحس ان انا ما ليش قيمة. لو انا - 00:21:39

آآ دعوتي مقتصرها على اهل بيتي وعائلتي المقربة والناس اللي انا بقابلهم في شغلي او ايا كان آآ وبامر بالمعروف وبانهى عن المنكر وآآ بازيل الاذى من الطريق وباسلم على الناس وحياتي بسيطة جدا. البساطة دي - 00:21:59

ده تعبي خادع. الواقع ان حياتك دي عظيمة جدا ومتازة جدا. وانت مش تحتاج ان انت تعيش اكتر من كده. يعني تعيش حياة فيها تفاصيل اكتر من كده. للاسف الشديد يعني احنا لازم كل شوية نحاول نفكر نفسنا بالنقطة دي لانها بالفعل - 00:22:19

تطورات بتسللنا بتسللنا بمعنى كانه حصان انت مربوط فيه من رقبتك وهو بيجري وانت لو ما جرتش وراه بنفس سرعته ولحقت هتتسحب على وشك وتهتتجز. وهتعيش في تعasse ونكد او هتبقى دائمًا تحت ضغط مستمر علشان تقدر - 00:22:39

لآخر الخيل اللي انت مربوط من رقبتك وراه. لازم احياناً كثيرة يمكن يعني انا باعتقد والله اعلم انه حاجات زي اي اه الاعتكاف وقت رمضان. حاجات اللي هي بتفصلك عن العالم وتجعلك في نطاق ان انت فقط تكون - [00:23:03](#)
مرتبط بالله عز وجل وبعذاتك له. وتبتدئ تفهم انه ده كفاية جدا. ان انا اكون مسلم على التوحيد وان انا ملتزم وصايا الشرع والاحكام بالفرائض. ايه اللي مطلوب مني كمسلم والله جه رمضان اصوم - [00:23:23](#)

نقدم صلاة فريضة كذا الفرائض اللي هو ما لا يسع المسلم جهل واللي يجب على المسلم انه يفعله. كتب كثيرة جدا في هذا العنوان ما لا يسع المسلم جهله. الحاجات - [00:23:43](#)

الببر مينيم اللي لازم المسلم يتلزم بها. في احاديث كثيرة جداً مفادها وانا للأسف مش فاكر نص الحديث لكن في واحد صحابي جه سأل النبي قال له يا رسول الله فيما معناه يعني؟ انا عايزك تقول لي على اقل حاجة المفروض التزم بها - [00:23:53](#)
انا انا حزين جداً ان انا ناسي نص الحديث. لكن ظني فيما معناه ان النبي قال له يعني ان انت تصلي الفرائض وكذا ويعني تلتزم اللي انت لازم تلتزم به كمسلم. فالصحابي ده قال له قال لرسول الله صلى الله عليه وسلم يعني انا مش هعمل غير كده. اللي هو اي حاجة تانية - [00:24:13](#)

نافلة او زيادة او مش هعملها وهلتزم بس بده. النبي قال له افلح ان صدق. اللي هو فيما معناه انت لو فعلاً عملت كده هو ده الكاء القدر الكافي اللي مطلوب منك اللي يدخلك الجنة. فاهم شيء هو انك تكون على عقيدة التوحيد وانك تبتعد - [00:24:33](#)
ده عن الشرك لأن الشرك هو الذنب اللي لا يغفره الله عز وجل يوم القيمة لو مت عليه بدون توبة ومستحق ولوط في النار وحرمانك من الجنة. انه من يشرك بالله فقد حرم الله عليه الجنة. وأماواه النار وما للظالمين من انصار. تضبط عقيدتك وتبتعد عن الشرك - [00:24:53](#)

وتلتزم بالفرائض اللي ربنا فرضها على المسلم اللي اهمها طبعاً الصلاة. بس كده. وزي ما قلت حاول دايماً ان انت تصفي ذهنك من مشتتات العصر ومقاييس العصر للنجاح. لأ انت الله عز وجل العباد بيتفاضلوا عنده - [00:25:13](#)
تقوى والايام مش باي حاجة تانية دايماً حط نصب عينيك المعايير الالهية للنجاح في الآخرة والفوز وسيبك من اي حاجة تانية ممكن تشتتكم. وانا مدرك طبعاً ان فكرة عامل السن وان الواحد في شبابه وانه يكون - [00:25:36](#)

وانه آآيبني مستقبله وانه كذا يشوف بقى الحياة اللي المفروض يعيشها. دايماً فكر نفسك بأنه ماشي ده فيه حاجات معينة المفروض تعملها علشان تنجح في الدنيا وعلشان تقدر آآتكسب فلوس وتصرف على نفسك وتتجوز وتصرف على بيتك وأولادك - [00:25:56](#)
والكلام ده كله لكن ايا كان آآفيه معايير دنيوية دايماً حط فوقها وخلي الاساس المعايير الالهية التي تجعلك في النهاية تدخل الجنة.
وفي نقطة انا اتكلمت عنها قبل كده كذا مرة. وللاسف قابلت ناس كتير عندهم التصور ده. فكرة آآ - [00:26:16](#)

آآوسواس ان انا لما اعمل كل ما يريد الله عز وجل مني ما يمكن يوم القيمة ما يدخلش الجنة. النقطة دي تحتاج فيها ان انت تقوى ايمانك بالله وتقوى حسن ظنك بالله عز وجل لأن انا بعتقد ان الموضوع مختلف يعني - [00:26:36](#)

يعني ايه انت يقينا بنصوص القرآن الكريم والسنة النبوية الشريفة الملتم بـ التوحيد ولا اله الا الله محمد رسول الله ويموت عليها هيدخل جنة يقينا بنصوص القرآن الكريم والسنة النبوية الشريفة. فيه بقى فكرة تانية انه هل العمل ده ممكن يكون - [00:26:56](#)
مقبول مني ولا لا ؟ لكن حتى لو المؤمن يعني دماغه حطته في دائرة شك ان ممكن بعض اعماله تقبل ولا لا تقبل لازم في النهاية يكون عنده قدر من اليقين ان هو على الخير وان هو على طريق الفوز العظيم. وانه مهما كان - [00:27:16](#)
حتى لو في بعض الذنوب انا وقعت فيها اللي هي فكرة آآ انه من يشهد ان لا اله الا الله وان محمد رسول الله دخل الجنة. فقال يا رسول الله وان - [00:27:36](#)

زنا وان سرق وان زنى وان سرق. طب ويا رسول الله وان زنى وان سرق؟ وان زنى وان سرق. يا رسول الله وان زنى وان سرق وان زنى وان سرق؟ رغم اني ابي زر. لازم - [00:27:46](#)
الحادي ده ايه؟ ان ما دام انت على قدر معين ملتزم به التوحيد ومقتضيات شهادة ان لا اله الا الله وان محمد رسول الله مالك في

النهاية انك هتدخل الجنة. مهما حصل منك ثانٍ. وان حتى لو في ذنوب ممكّن تمنع ان بعض اعمالك - 00:27:56

هتقبل او في ذنوب آآ مقتضاه انك تعذب بسببها في في النار الا انه في النهاية مآل الجنة لازم يبقى عندك ثقة ويقين ان المؤمن غير الكافر وان انت مؤمن موحد بالله مصيرك غير الكافر. لا يكون ابداً مساحة الشك في انك - 00:28:16

تقول لا ده انا ده انا ربنا مش هيدخلني الجنة. ده وسواس لازم تقاومه ولازم تذكر نفسك بالآيات القرآنية او النصوص الشرعية اللي بتتأكد ان المسلم الموحد بالله هيدخل الجنة. وان ده حق على الله الحديس - 00:28:41

في اللي بيقول ان فيه آآ حق الله على العبيد وحق العبيد على الله حق الله على العبيد انهم يوحدهوا ولا يشركوا به شيئاً. وحق العبيد على الله انهم ان فعلوا ذلك يدخلهم الجنة. الموضوع كبير. والنصوص الشرعية فيها لها آآ يعني - 00:29:01

تكون ملم بها ومطلع عليها لابد انك انها تكسب اليقين. وتفضل دايماً يعني مهما كنت بتتصارع وسواسة وايا كان انه تذكر نفسك. انا اقول انطق بلساني. اشهد ان لا الله الا الله وان محمد رسول الله. وافعل - 00:29:21

ما يجب علي فعله كمسلم اقلها لما الصلة بتاذن باروح اصلي. يبقى انا على خير عظيم طول ما انت في دائرة انه الشريعة بتأمرك وتنهاك وانت تتأمر وتنتهي يبقى انت على خير. ودائماً تجدد ايمانك وتقول اشهد ان لا - 00:29:41

الله الا الله وان محمد رسول الله بس كده. مش عايز اطول اكتر من كده في النقطة دي. وانا خمس صلوات في اليوم هو يسأل عن الاسلام. فقال رسول الله صلى الله عليه وسلم خمس صلوات في اليوم والليلة. قال هل - 00:30:02

غيرها قال لا الا ان تتطوع. قال رسول الله صلى الله عليه وسلم وصوم رمضان. قال هل علي غيرك؟ قال لا الا ان ترضي. قال وذاك رسول الله صلى الله عليه وسلم اه - 00:30:14

اه الزكاة. قال هل عليها غيرها؟ قال آآ لا الا ان قال فاكبر رجل وهو قيل والله لا اريد لا ازيد على هذا ولا انقص. قال رسول الله صلى الله عليه وسلم افلح ان صدق. دي الرواية - 00:30:24

اللي انا كنت بتتكلم عنها. هي في النهاية اركان الاسلام. اركان الاسلام خمسة. شهادة ان لا الله الا الله وان محمد رسول الله واقام الصلوة وابتلاء زكاة وصوم رمضان وحج البيت لمن استطاع اليه سبيلاً. فهو في النهاية النبي صلى الله عليه وسلم قال له انت على عقيدة التوحيد تشهد ان لا الله الا الله وان محمد رسول الله - 00:30:37

مقتضيات ده في قاعات الصلوة والصوم والزكاة. تلتزم بالفرايض تدخل الجنة. وانت مش مفروض عليك اكتر من كده. الا ان تتطوع والنبي قال افلح ان صدق الذي يستطيع ان يلتزم بفرايض الاسلام وهو على عقيدة التوحيد يفلح ويفوز فوزاً - 00:30:57
عزيزما وادخل الجنة باذن الله عز وجل. اللي عنده الوسواس ده ننصحه بايه يا شيخ؟ موضوع الوسواس القهري ده والوسواس في العقيدة اولاً انا عملت تعنوا فيديو انا اخلاق انا عدوه وسوس يسمع الفيديو ده وبرضه الدكتور هيتم طلعت عمل اكتر من فيديو عن الموضوع ومحاول اجمع اللينك - 00:31:20

كات وحطتها تحت في الوصف. لكن اختصاراً يعني لو الموضوع له ناحية علاجية يجب ان يستشير طبيب نفسي مختص. يشوف طبيب نفسي لانه احياناً بالفعل بعض الحاجات اللي احنا بنعاني منها من الناحية الذهنية ومن الناحية العقلية - 00:31:40
آآ وافكارنا وتخيلاتنا وحالات زي كده ممكن تكون بسبب شيء مرضي له دواء كيميائي ان فيه في خلل معين ده بيأثر على طريقة تفكيرك او ده بيأثر على ثقتك او ده بيأثر - 00:32:00

فلا شك ولا ريب ان المكون الجسدي له تأثيره على رأي المثل يعني العقل السليم في الجسم السليم. ممكن يكون في خلل في الجسم يؤدي الى تأثير على العقل فيجب اولاً استشارة الطبيب المختص علشان خاطر هو يقدر يقيم الحالة دي آآ يتأخذ لها - 00:32:16
دوا ولا لأ؟ وفيه ناس بالفعل وحلي بالك برضو النقطة دي انا بتكلم عنها كتير ويجب التوعية لها كسيراً يمكن احنا كمسلمين عندنا سوء فهم ومش كمسلمين في اساس الاسلام اقصد يعني بشكل معاصر يمكن وكشرقيين بشكل عام اه - 00:32:36

فكرة ان انت تلجم الى الطبيب النفسي ده هو انا مجانون! المجانين بس هم اللي بيروحوا للطبيب النفسي. لكن انا مش يحتاج طبيب نفسي. انت شايفني مجانون! شايفني بيشد في شعره قدامك ولا ماشي بكلم نفسي وممكن يكون فعلاً ماشي بيكلم نفسه بس عادي

يعني. فاحنا للأسف - 00:32:56

فيه سقافة انه انا ممكن اروح لطبيب بيعالج اي شيء في الجسد عادي. لكن ان انا اروح لطبيب نفسي ده لأن ما اروحش وكانها وصمة عار او حاجة زي كده. لأن 00:33:15

يجب استشارة طبيب مختص علشان يقدر يعرف ايه العلاج المزبورط هل آآ الموضوع ممكن يتلم في جلسات ومناقشات وبعض يعني اللي هم بيعملوها خارج دوائي او ان هو لأن يحتاج علاج دوائي علشان خاطر آآ كيميا معينة او هرمونات معينة او الدنيا يعني - 00:33:30

فيلاقي نفسه تركيزه أصبح صافيا. الموضوع ده كان فيه بعض الناس اتكلموا عنه في موضوع الايه دي اتش دي ومش عارف مين. المهم يعني انه بالفعل فيه بعض اعدل ظواهر اللي احنا بنعيشها او بتظهر علينا او تصرفات معينة احنا بنعملها او كذا يا بني انت في الآخر لو خدت دواء معين - 00:33:56

الدنيا دي هتتزبط عندك. وهو لا يدرك ذلك فيبقى اول حاجة يروح يشوف طبيب نفسي. آآ مختص علشان يشوف تحتاج دواء ولا لا. ثاني حاجة لازم هو يصارع هذه الافكار والوساوس - 00:34:16

بشكل نفسي يعني ايه؟ انا كنت قلت قبل كده في فيديو الشيطان مش هيسيبيك غير لما تستسلم. وفي مساحات معينة ومعارك معينة. الشيطان بيخوضها معنا بيفضل مستمر في خوض هذه المعارك معنا نفس المنطقة ونفس - 00:34:31

لانه يرى فينا ضعفا. خلي بالك النقطة دي هي حرب وعدوك بي Shawf نقطة اعف علشان زي ما زاي ما الهاكرز وبتوع الكمبيوتر يعمل لها اكسيلويت. يخترقك من خالها. فهو بي Shawf - 00:34:51

ايه اللي بيأسرك عليه؟ وايه اللي ممكن يخليك يضعف فيستسلم فيقع فيذل؟ هحاربه من النقطة دي. والشيطان هيفضل اللي يحاربك منها لغاية ما يلاقي انه ما فيش فايدة. فنشوف حاجة تانية نحاربه من خالها. وربنا بقى يقويك لابد اولا واخرا - 00:35:09

طير الاستعانة بالله عز وجل. لابد ان تستعن بالله عز وجل. انا في مرة كنت باصلی العصر آآ جيت متاخر فكان تقريبا كان حصل موقف في المسجد انا استشفيت من من اللي قاله الخطيب بعد ما خلص صلاة ان فيه حد دخل المسجد تقريبا وزعق ولا حاجة زي كده - 00:35:29

شاب عمل حاجة غلط وساب المسجد وخرج وما صلاش. اللي انا حضرته ايه؟ ان الامام بعد ما خلص صلاة كان صلاة العصر ظل لا يدعو كثيرا لهذا الشاب. وان ربنا يذكر قلبه ويذكر عقله ويظهر قلبه من النفاق وكذا وكان - 00:35:49

بالنسبة لي موقف مؤسر جدا. الانسان يجب ان يلجم الى الله عز وجل. ويترعرع كثيرا واتكلمت في الموضوع ده كتير جدا جدا. وآآ يجب على الانسان انه يصبر على النتائج. وانه يدعو الى الله عز وجل ولا يعجل بالنتيجة. وبيتدى يقاوم - 00:36:09

قاوم بشكل نفسي اي شك ممكن يتعرض له. اللي انا بعمله ده ربنا مش هيقبله منك لأن حسن ظن تذكر نفسك بحديث النبي محمد صلى الله عليه وسلم انا عند ظن عبدي بي وتقول انا ظني فيك يا الله انك لن تخذلني ولن تخيب رجائي وانك ستتقبل مني - 00:36:29

ادخلني الجنة. لو احتجت ان انت تقول لنفسك كده بصوت مسموع. يعني قل لنفسك كده. قاوم باي طريقة نفسية. اي شك واهم حاجة في الموضوع اهم حاجة. ولازم تفتكر القاعدة دي كوييس اوبي. لا تجعل الشك يؤثر على - 00:36:49

امل طول ما انت ملتزم بالعمل باذن الله عز وجل ربنا ينقبل منك ويدخلك الجنة. لأن ده هو الفرق الحقيقي ما بين مؤمن والكافر والمؤمن والمنافق في موضوع الاستمرار. انه بيظل ثابت على العمل. قول الله عز وجل ان الذين قالوا ربنا الله - 00:37:09

ثم استقاموا. وقلت ان هذا هذه الاية بشهادة المفسرين هو تفسير قول الله عز وجل ثم لم يرتابوا الموضوع مش متعلق في الاساس بوساوس وشكوك نفسية. الامر متعلق في الاساس باللي يعطل عملك ويوقفه - 00:37:29

لو انت على الطريق مستمر في العمل فانت على خير تدخل الجنة باذن الله عز وجل. عملك بيتأثر بيتدى تعرف ان انت في حاجة غلط ومش حابب يعني اطول في الموضوع ده اكتر من كده - 00:37:49

طيب سؤال واحد بيقول هناك من يقول ان النصراني يدخل الجنة مع ان هناك ادلة كثيرة ان المسلم هو من يدخل الجنة. يعني قد تجد مثل مسلمين حتى ان تصرفاتهم نفس الشيء وربما لا تفرق بينه وبين المسلم. السؤال ده فيه تفاصيل كتير واتكلمت عنه كتير قبل كده. بس فيه - 00:38:02

آآ نقطة مهمة جدا. الواحد ممكن يقول الكلام ده نصراني ويأى ترى نصراني ممكن يدخل الجنة؟ الكلام ده قابل لبعثة النبي محمد صلى الله عليه وسلم آآ نتناقش فيه. انه ايه ده؟ هل ممكن نصراني يدخل الجنة؟ وانا باتكلم في وقت بعثة المسيح عيسى ابن مريم لغاية - 00:38:22

لبعثة اه النبي محمد صلى الله عليه وسلم. ايوة ممكن. لكن بعد بعثة النبي محمد صلى الله عليه وسلم شرط انه يشهد ان لا اله الا الله وان محمدا رسول الله. لابد ان يؤمن بالنبي محمد صلى الله عليه وسلم. ولابد ان يشهد انه رسول الله. والادلة - 00:38:42 على كده كثيرة جدا من ابرزها سورة البينة واي حد آآ يقرأ تفسير لسوره البينة هيدرك ده. وصورة البينة بتتكلم في المعنى ده انه ممكن يكون فيه خلاف هو مين هيدخل الجنة ومنين هيدخل النار فربنا بعث النبي محمد صلى الله عليه وسلم علشان يبقى فيصل في الموضوع اللي حياتنا - 00:39:00

وهيدخل الجنة اللي مش هيتابع وهيدخل النار. ده معنى سورة البينة. لم يكن الذين كفروا من اهل الكتاب والمشركين منفكون حتى تأتهم البينة. رسول من الله يتلو صحفا مطهرة فيها كتب قيمة. وما تفرق الذين اوتوا الكتاب الا من بعد ما جاءتهم البينة. وما امرؤوا الا ليعبدوا الله مخلصين له - 00:39:20

دينا حلفاء الى اخر السورة. آآ بداية السورة معناها آآ والله احنا هنتخانق مع بعض ونشوف احنا مش عارفين. فجاءتهم البينة رسول من الله لازم يتبعوه خلاص بقى الفيصل. فيعني المقصود به ان الاوامر التي جاء بها النبي محمد صلى الله عليه وسلم هم مطالبين بها والنواة - 00:39:40

فهي وهكذا اللي هيتابع وهيدخل الجنة اللي مش هيتابع وهيدخل النار. ان الذين كفروا من اهل الكتاب والمشركين في نار جهنم خالدين فيها. اولئك هم والبرية. ليه؟ كفروا بمين؟ بالبينة. برسول الله صلى الله عليه وسلم محمد. ففيه ادلة كثيرة جدا جدا في الموضوع ده. احنا دلوقتي عايشين امتى؟ بعد - 00:40:00

لبعثة النبي محمد صلى الله عليه وسلم. من شهد ان لا اله الا الله وان محمد رسول الله يدخل الجنة اللي لم يشهد ان لا اله الا الله وان محمد رسول الله يدخل النار. وفكرة بقى ان الاسلام - 00:40:20

بيتكلم عن ازاى كل الديانات الاخرى منحرفة في عقيدتها والكلام ده كله وان هم واقعين في شرك وكفر. النصارى دول واقعين في شرك وكفر ايا كانت طائفتهم واقعين في شرك وكفر. اي ديانة على وجه الارض ايا كانت حتى اليهود الاقرب للتوحيد واللي بيقولوا رب الاه هنا رب - 00:40:30

كل اديان الارض ما عدا الاسلام وقع في شرك كفر. الاسلام الديانة الوحيدة الملزمة بالتوحيد بشكل حقيقي وزي ما الدكتور هيسن طلعت بيحب يقول ان دي من اظهر الادلة على صحة دين الاسلام. انها الديانة الوحيدة المحافظة على تعليم التوحيد النقية - 00:40:50

طيب فيه بقى نقطة ما هو النصارى دول تيجي تشواف فيه نصارى يا سلام ما تعرفش تفرقهم عن المسلمين. دي انا ظني ان دي نظرة سطحة قيم ونظرة انسانية اللي هو ايه؟ الموضوع بالاخلاق والمعاملات - 00:41:10

فقط حتى لو بقى هو بيعبد ثلاثة ولا بيسجد للصلب ولا حتى لو ملحد. اصل العبارة دي تتقابل على الملحد. فيه ملاحدة حلوين كده وكيوت بسبب الفطرة الالهية في الانسان والنزعة الاخلاقية اللي ربنا فطرها في في الانسان الانسان عارف انه - 00:41:27

مفروض بقى كويس يجب عليه ان يكون صالحًا. وبيلتزم باشهر الوصايا فيما يخص لا تسرق لا تقتل لا تزني مش عارف مين مع انه يعني ممكن يكون بيذني عادي بس سيبك من حنة الزنا دي ما بيكتدش - 00:41:47

آآ ما بيسرقش فكده يعني انت شايف الموضوع آآ بشكل سطحي جدا ممكن ينطبق على نصراني وغيره. القضية ليست فقط في

ان الانسان النظرة الانسانوية. النظرة الانسانوية بتنقول ايه؟ انه الجنس البشري - 00:42:01

الجنس الانساني يتعامل مع بعضه بما يحقق له الخير والرخاء والسعادة اسمه ايه ده والثروة والكلام ده كله. سيبك بقى من نعبد ربنا
ولا فيه الله اصلا ولا وحى لو فيه اللي احنا نقرره يمشي وده اللي احنا - 00:42:21

خايفين انه في تمية لنا وخير وثراء وكذا وكذا. غير كده آآ اي حاجة تانية تبقى شخصية في دار العبادة بتاعتك ما بينك وما بين الله
ويبقى احنا المهم لنا ظاهر معاملتك والتزامك بما يحقق لنا التنمية والرخاء والسعادة. بس كده. النظرة دي سطحية جدا. وهي في -
00:42:41

في حقيقتها لا تخلو من فساد. والواقع اللي احنا شايفينه في العالم يشهد. واقع اجتماعي آآ فساد اجتماعي فساد اخلاقي آآ
والاعتداءات الزنا والفواحش وكذا وكذا. فقطعا ولا شك. العالم هذا ان لم يلتزم بما جاء به نبينا - 00:43:01

محمد صلى الله عليه وسلم فهو حتى وان كان فيه حالة حضارية او مادية آآ زينة بتزغل عينيك الا هذه مجتمعات في حقيقتها
خرابة. فيه نواحي كويسيه وقال عنها النبي محمد صلى الله عليه وسلم قال ان من - 00:43:21

اهم فضائل الروم الغرب دول انهن عدول بيطبقوا العدل وما بيزلموش. النبي قال كده عنهم. ودي من ابرز السمات اللي لما حد بيهاجر
برة او ببقي هربان من اي حاجة بتضايقه في بلاده بيلاحزها - 00:43:41

ان فكرة ان في قانون ماشي على الكل ومش خايف ان حد يلزمني واعرف اجيب حقي ويبيقى عايش كده مطمئن ومش عارف مين.
لكن في نواحي فساد اجتماعي رهيب ونواحي فساد اخلاقي رهيب. ويعني مش موضوعنا دلوقتي ان احنا نضرب امسلة بعينها.
فلازم نظرتنا في الآخر - 00:44:01

ما تكونش ضيقة ومحدودة وبسيطة. لازم تكون نظرتنا اوسع من كده. وفي النهاية لو افترضنا جدلا انه يا ابني ده قوة اجتماعيا زي
الفل. بغض النظر ان اصلا فكرة الزواج آآ فكرة دينية مقدسة. فيبقى آآ - 00:44:21

لو هو مش متدين او مش مؤمن بالله او ديانته ما فيهاش زواج هتبقى يعني علاقة ما بين ايا كان بقى زي ما هو يشوف ايه المناسب
يعني. بس يعني اجتماعيا زي الفل واخلاقيا زي الفل وماديا زي الفل ده بص عشت عمري كله وما ازانيش ابدا حيدخل جنة لا مش
هيدخل جنة. ليه - 00:44:40

لانه في النهاية كما قال الله عز وجل قل هل انبيكم بالاخرين اعمالا الذين ضال سعيهم في الحياة الدنيا وهم يحسبون ان انهم
يحسنون صنعا. اولئك الذين كفروا بآيات ربهم وللقائه. فحبطت اعمالهم فلا نقييم لهم يوم القيمة - 00:45:00

في وزن هو ضل سعيه وهو يحسب انه يعني من الذين يحسنون صنعا. فلازم ابقى عارف هو انا لماذا نحن هنا عشان نعبد ربنا خلاص
حققته يبقى انا هدخل الجنة ما حققتوش مهما حققت غيره حتى لو كان غيره ده فرع - 00:45:20

تحت اصل الفروع لا تقبل الا بصحة الاصول. دي نقطة مهمة جدا. يمكن اغلب بسبب الجهل يعني منتشر جدا ما بيننا الناس بتغفل عن
ده. يا عم ده آآ بيساعد الفقراء. ده بيتصدق. ده بيزيج الازي. ده عن - 00:45:40

وانشطة اجتماعية وبيعمل اعمال خيرية ماشي. هو ما بي عملهاش لله او بي عملهاش لله الذي يعبده. ايا كان. والله هو بي عمل ده لله الذي
يعبده ينتظر بقى يوم القيمة يشوف الله ده هيكافنه ولا لأ. طبعا الموضوع ده برضه داخل فيه فكرة انه هل - 00:46:00

رسالة ولا لأ واقيم عليه الحجة مش دي القصة اللي احنا بنتكلم عنها لان في النهاية بنأكد على نقطة مهمة الله عز وجل ان يدخل النار
الا المستحق لعذاب النار اللي هو الكافر الذي عرف الحق وجده. وربنا بيقول في القرآن الكريم - 00:46:20

انه الافواج اللي دخلة النار دي بتشهد على نفسها ان ربنا بعث لهم آيات ورسل وهم كذبوا. والله عز وجل يقول وما كنا معذبين حتى
نبعث رسولا. وايات اخرى كتير مفادها كده. ما حدش بيدخل النار الا لو كان كافرا جاحدا - 00:46:40

الشخص ده بقى النصراني اللي انا بتعامل معه او البوذي انا انا كمسلم في النهاية ما ليش غير الظاهر. وباحكم عليه بالظاهر.
الظاهر ان هو هو غير مسلم بقى كافر. والكافر دول لهم احكام حسب اقسامهم. والله من اهل الكتاب له احكام ومش عارف مين.
مقاتل ولا محارب له احكام خلاص - 00:47:00

امل على حسب الظاهر. والله عز وجل يتولى السرائر. وممکن في الآخر ممکن يكون مسلم في السر ومداري ولا ايا
كان ففي الآخر يدخل الجنة لكن انا كمسلم مطلوب مني في الدنيا اني اعامله بحسب الظاهر منه. ودي برضه نقطة اغلب آناس كتير
- 00:47:20

كتيرة مش واحدة بالها منها. انا بعامل الناس حسب الظاهر. والله عز وجل هو الذي يتولى السرائر. وانا ما بقدرش احکم يعني غير
بكده هو مسلم يشهد ان لا اله الا الله وان محمد رسول الله بيروح معنا المسجد بيصلی معنا الجمعة بيصوم معنا رمضان بيجي وقت
عيد الاضحى - 00:47:40

يدبح يبقى مسلم بيصلی لقيتنا بياكل من ذبيحتنا الكلام اللي هو الاسلام لأ ابسط الناس. ازاي تعرف ان ده
مش ان ده مش مسلم. يعني فيه حاجات معروفة يعني. فخلاص يبقى انا عرفت - 00:48:00
ان هو مش مسلم ويبقى عامله على انه مش مسلم. طب هو ظاهر حال اللي مش مسلم ده مقاله ايه؟ انه هيدخل النار. هو واجب علي
تجاهه اني ادعوه للإسلام. والا لو هو داخل الجنة يبقى ايه بقى لازمة الدعوة الاسلامية وآآ ان احنا نجادل النصارى - 00:48:20
نظارتهم ونحاورهم ومجادلة اهل الكتاب ومناظرتهم وممکن حتى تصل الى درجة الملاعنة او كذا يعني الناس لهم علينا حقوق بسبب
انهم مش مسلمين. فلو انا قلت ببساطة ده ممکن يدخل الجنة يبقى انا اهدرت كل الحقوق اللي هو - 00:48:40
وله على فيما يخص الدعوة وتعريفه بالحق والنصيحة وكذا. ما هو مرجع علماء النصارى في التفسير؟ نجد كل واحد منهم يختلف
الآخر مسل ما فعل القس ارميا في عمر اخذه فقال كلام يدل على شخص لم يقرأ. الموضوع ده احنا اتكلمنا عنه قبل كده انه هل
النصارى عندهم - 00:49:00

قواعد وضوابط واصول في التفسير. الواقع ان البروتستانت اکتر ناس اشتغلوا في الموضوع ده. و كنت عرضت قبل كده اکتر من
مرجع تصفحت لفهرس وقلت اغلب الشروط والضوابط. حاول احط اللينك اللي فيه الموضوع ده تحت في الوصف. آآ تبقى ترجع له
وتسمعه - 00:49:20

عشان صعب جدا افصل تاني في الموضوع ده. لكن المفروض ان فيه اصول. يعني لازم الواحد لما يفسر يحط لنفسه قاعدة حتى لو
كانت القاعدة دي ان الروح القدس بيهمني التفسير. ما هو لازم يكون عندك تبرير لصحة التفسير. انت - 00:49:40
ده صحيح ليه؟ لازم يكون عندك تبرير. حتى لو تبريرك ده زي ما باقول والله الروح القدس الهمني. اه ماشي. الروح القدس الهمك.
نقدر نعرف مؤمنين ان الروح القدس الهمك. ازاي نقدر ثبت ان الروح القدس الهمك علشان نتأكد ان تفسيرك صحيح. مش هنقدر
يبقى خلاص ده الموضوع ده - 00:50:00

تقسيي ما بينك وبين نفسك لو فيه حد درويش عايز يصدق ويمشي وراك هو حر. لكن بشكل علمي وعملي لا نستطيع برهنة ان
تفسيرك ده له وجه آآ صحيح في موضوع اخزيا ده يعني الامر تاريفي بحث. انا شفت طبعا الفيديو اللي اللي الاخ ابو عمر الباحث
ربنا يحفظه - 00:50:20

نبارك فيه على قناة مكافحة الشبهات. رد فيها على القس ارميا. او تقريبا كان محمود داود او يمكن هم الاثنين. مش متذكر يعني.
لكن اظن اه محمود داود فالفيديو رد فيه على موضوع مش عارف كم سنة حوار كده افتکس والقس ارمي ده. المهم في النهاية انه
مسألة عمر اخزي ده - 00:50:45

احنا بنقارن ما بين صفين وفيه اختلاف في العمر ما بين الصفرتين. يبقى لازم يبرر الاختلاف. ده ده اولا. ثانيا ان الاختلاف ده ان فيهم
واحد هيطلع انه اصغر من ابوه بستين ده مشكلة تانية. يعني انا زي ما قلت قبل - 00:51:05
ده والموضوع ده احنا المفروض مستفيضين فيه في في شرح كتاب اظهار الحق بشدة اغلاط وخطاء الكتاب المقدس وازاي نقدر
نحكم شرح ادي فعلا غلطة او ده خطأ حقيقي. اولا ده نص وده نص. فيه خلاف ما بين النصين. عمره هنا - 00:51:25
غير عمره هنا ده تناقض ابتداء الرد عليه انه آآ تحريف العلماء قالوا كده علماء الكتاب المقدس قالوا الاختلاف في في الارقام بسبب
خطاء النساخ. وعرضنا الكلام ده في شرح كتاب الزهير الحق. وجينا مسل ايه - 00:51:45

زيادة تحديداً. طيب تاني حاجة ان والله فيه نص منهم هيخللي ان الابن اصغر من ابوه بستين. وده غير معقول يبقى ده طيب هو
هيهرب من الموضوع ده ازاي؟ قال لك اصل هو لم يتولى العرش بعد موت ابيه على طول ظهر النص اصلاً ما بيدلش على كده.
وبعدين فين - 00:52:02

للدليل. فكرة يعني الموضوع ده موجود عند النصارى كثيراً جداً. وبعض المسلمين بيقعوا فيه. هو بيسمع القسيس او بيسمع الشيخ
القسيس ده قل معلومات او الشيخ ده بيقول معلومات وبعدين القسيس ده صادق وانا عمري ما هسألة عن المرجع ولا عمري ما هسألة
عن الدليل وخلاص - 00:52:22

وتؤتة تؤتة خلصت الحدوة وهو حل المشكلة. لا يا جماعة ما ينفعش. خصوصاً في هذه المواضيع اللي فيها سجال ومناظرة.
المفروض القسيس ده لو انت مسيحي تسمع منه كلام يقول له يا ابونا فين الدليل؟ علشان احطه في عين المسلم. ما لازم اقدر اثبت
صحة الكلام ده - 00:52:42

اللي انا بحكيه ده آآ هري وخيال على الفاضي. فاهم؟ يبقى في النهاية الموضوع فيه اكتر من غلط. وفي النهاية اللي هو بيحكيه ده
ليس عليه دليل ومخالف ظهر النص وقبل ده كله انا دايماً بقول يا جماعة الاعتراف سيد الادلة. ايه اللي خلى علماء كبار متخصصين -
00:53:02

في الدفاع عن الكتاب المقدس يقولوا ان دي غلطة سببها تحرير ناسخ والمشكلة لها حل. يعني مش انت خلاص العالم العلامة الحبر
الفهامة الموسوعة اللي عرفت الحل وخفي على غيرك. الموضوع ده يا جماعة - 00:53:22

خصوصاً في الغرب القضايا دي بتتناقش من سنين وهم ببناقشو القضايا دي بشكل اكاديمي ومرتب تاريخياً حابب بس اذكر على
سبيل المثال الكتاب بتاع الدكتور سامي عامري آآ مشكلة الشر وجود الله. لما هو بيحكي انه رجع للمكتبة الانجليزية والمكتبة
الفرنسية - 00:53:42

واعالج المشكلة وبيرتها ومين اول واحد وايه يعني اللي انا اقصده ايه؟ ان الغرب بيفهرس الموضوع ربوا وبيارشفوا وبيتبعوا
وبيبقى عارف مين اول واحد طرح الاشكال ده ومين اخر واحد طرحة وايه كل - 00:54:02

الاقوال اللي اتقالت فيها وهل بالفعل فيه حل مقنع ولا ما فيش؟ فلما تيجي تلاقي مثلاً كتاب زي شبهات وهمية حول الكتاب المقدس
 المقدس او مثلاً نصوص صعبة في الكتاب المقدس او ايا كان كتاب لاما من ائمة الدفاع عن النصارى طرح الاشكال ده وقال لك لا -
00:54:22

يا جماعة هو بالفعل النص زي ما هو كده بسبب خطأ للناسف. تعرف ان الموضوع ما لو ش حل. لأن لما ده لا ينفرد به واحد او يعني
علماء عرب قالوا الكلام ده. علماء غربيين قالوا الكلام ده. علماء كاثوليك قالوا الكلام ده خلاص -
00:54:42

الموضوع خلص. الحاجات دي ما بيظهر لهاش حلول الا لو زهرت ادلة جديدة. والاadle الجديدة لا تمحي الواقع او الحقائق السابقة.
يعني ايه؟ يعني النص ده او معلومة ان اخزي يتولى يتولى الملك امتى - 00:55:01

وكان عنده كم سنة لما تولى الملك المعلومة دي مذكورة في سفين مختلفين. النص الماسوني بيخللي النصين بيقول علوم مختلفين
مختلفين. وده خطأ لأن عقلاً هي واقعة تاريخية واحدة. حصلت وهو عنده عمر محدد. ما ينفعش - 00:55:21

الطفل ده يقول عمر والسفر ده يقول عمر. الخلاف ده وهذا التناقض واقع و حقيقي موجود. حتى لو انا ظهرت لي جديدة اكتشفت
مثلاً وثيقة تاريخية بتحكي لي اكتر عن الحقبة الزمنية اللي عاش فيها اخزي. فاكتشفت انه اه ده بالفعل ده - 00:55:41

في تبرير هو ليه قال العمر ده؟ ماشي يبقى انا ردت على جزء او غلطة من الغلطتين لكن لن استطيع ان امحي التناقض بذكر عمرين
مختلفين في صفرين مختلفين واقع و حقيقي موجود وخلاص. انا بقى - 00:56:01

ارد على حاجة تانية انه هل هو اكبر من ابوه بستين ولا ا؟ عندي دليل تاريخي يقدم لي اي تفسير يؤدي الى حل الاشكال ببقى
الاشكال ده تحديداً اتحل ما اتحلش خلاص - 00:56:21

وخلی وزي ما بقول مرة تانية كثیر من العلماء اقرؤا بان في مشاكل ليست لها حل. عملت اکتر من فيديو في سلسلة اعتراف علماء بيقولوا انه دي مشاكل ليس لها حل. بس كده. انا ساكتفي بهذا القدر في هذا الفيديو. وباذن الله عز وجل نستعيد مرة - 00:56:34
آخر المداومة على الاسئلة وآآ اسئل الله عز وجل ان ييسر لي امري وانه يبارك لي في وقتني وانه يتقبل مني اعمالي ويجعلها خالصة لوجهی الكريم ويبعد عنی مشتت - 00:56:54

او امور ممکن تعطلني سواء ليها علاقة بيا او ليها علاقة باي حاجة تانية ممکن تؤدي الى اني اتعطل او اؤجل او حاجة زي كده جزاكم الله خيرا على الحضور وحسن الاستماع. والى ان نلقاكم في فيديو اخر قريبا جدا باذن الله عز وجل لا تنسوني من صالح دعائكم.
والسلام عليكم ورحمة - 00:57:10
رحمة الله وبركاته - 00:57:30